

Na osnovu člana 55. stav 1. Zakona o pravima branilaca i članova njihovih porodica ("Službene novine Federacije BiH", broj: 33/04), Federalni ministar za pitanja boraca i invalida odbrambeno-oslobodilačkog rata/Federalni ministar za pitanja branitelja i invalida domovinskog rata d o n o s i:

## P R A V I L N I K O DODATKU ZA NJEGU I POMOĆ OD STRANE DRUGOG LICA VOJNIH INVALIDA

### Član 1.

Ovim pravilnikom propisuju se medicinske indikacije za razvrstavanje vojnih invalida od I do IV grupe prema potrebi za njegom i pomoći od strane drugog lica i grupi vojnog invaliditeta u stepene dodatka.

### Član 2.

U prvi stepen dodatka za njegu i pomoć od strane drugog lica razvrstavaju se vojni invalidi I grupe kod kojih postoji oštećenje organizma predviđeno Pravilnikom o utvrđivanju procenta vojnog invaliditeta, u Listi procenta vojnog invaliditeta koja je sastavni dio tog pravilnika i to u sljedećim odredbama:

- 56 Amputacija obje ruke u laktu;
- 60 Amputacija obje ruke u mišici;
- 67 Eksartikulacija obje ruke u ramenu;
- 78 Potpuna uzetost obje ruke;
- 121-b Eksartikulacija u kuku - obje noge;
- 124 Obostrana paraliza lubosakralnog pleksusa;
- 150-č Klinički utvrđena epilepsija nastala usljed povrede ili bolesti kad su napadi veoma česti, jednom ili više puta dnevno;
- 157 Sljepilo, odnosno gubitak vida na oba oka;
- 192 Najteži slučajevi bulbarne paralize;
- 200-č Parkinsonizam - najtežeg stepena;
- 206 Konsolidovane frakture kičme, sa flakcidnom paraplegijom ili spastičnom paraplegijom u fleksiji - trajna nepokretljivost i vezanost za postelju;
- 207-č Konsolidovane frakture cervikalnog dijela kičme, sa lezijom cervikalne medule i paretičnim pojavama na gornjim i donjim ekstremitetima - najteži oblici - invalid nepokretan i ne može da se služi rukama;
- 208-č Cerebralni ataktički sindrom poslije traume - najteži oblici - nemogućnost kretanja usljed ataksije;
- 209-č Klinički utvrđen polineurički sindrom - najteži oblici - teška oštećenja motiliteta sa atrofijama, teškim trofičkim smetnjama i potpunom oduzetošću ekstremiteta - invalid nepokretan;

Izuzetno od odredbe stava 1. ovog člana, u prvi stepen dodatka za njegu i pomoć od strane drugog lica mogu se razvrstati i vojni invalidi I grupe kod kojih, pored oštećenja organizma iz člana 3. ovog pravilnika postoje i druga oštećenja organizma (obostrana amputacija ekstremiteta, eksartikulacija noge u kuku, demencija, progresivna raširena aktivna tuberkuloza sa razvijenom kaheksijom i drugim teškim komplikacijama i dr.), koja vojnog invalida čine nesposobnim za vršenje svih osnovnih životnih potreba i zahtijevaju neprekidnu njegu i pomoć od strane drugog lica.

### Član 3.

U drugi stepen dodatka za njegu i pomoć od strane drugog lica razvrstavaju se vojni invalidi I grupe kod kojih postoji ma koje oštećenje organizma iz Liste procenata vojnog invaliditeta, koje nije obuhvaćeno članom 2. stav 1. ovog pravilnika.

### Član 4.

Vojni invalidi II, III i IV grupe, kod kojih postoji oštećenje organizma za koje je, zajedno sa vojnim invaliditetom, u Listi procenata vojnog invaliditeta predviđeno 100% - I grupa vojnog invaliditeta, razvrstavaju se i to:

- 1)u drugi stepen dodatka za njegu i pomoć od strane drugog lica - ako je oštećenje organizma obuhvaćeno članom 2. ovog pravilnika;

2)u trećem stepenu dodatka za njegu i pomoć od strane drugog lica - ako je oštećenje organizma obuhvaćeno članom 3. ovog pravilnika;

**Član 5.**

Ovaj pravilnik primjenjivaće se od dana početka primjenjivanja Zakona o pravima branilaca i članova njihovih porodica ("Službene novine Federacije BiH", broj: 33/04) kao i za korisnike prava iz člana 69. stav 2. navedenog zakona.

**Član 6.**

Danom početka primjene ovog pravilnika prestaje da važi Pravilnik o medicinskim indikacijama za razvrstavanje vojnih invalida od I do IV grupe prema stepenu potrebe za njegom i pomoći od strane drugog lica i grupi vojnog invaliditeta ("Službeni list RBiH, br. 2/92, 6/94 i 13/94) i Pravilnik o medicinskim oštećenjima za razvrstavanja vojnih invalida od I do IV grupe prema stepenu potrebe za njegom i pomoći druge osobe ("Narodni list HR-HB", br. 28/96).

**Član 7.**

Ovaj pravilnik stupa na snagu narednog dana od dana objavljivanja u "Službenim novinama Federacije BiH".

Broj:

Sarajevo,

**MINISTAR**  
Ibrahim Nadarević